



**PEKELILING PENTADBIRAN
BILANGAN 23 TAHUN 2016**

BANTUAN KHAS KEWANGAN TAHUN 2016

Pejabat Pendaftar
10 Jun 2016

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.05.03/100-3/2/1 Jld. 5 (31)

10 JUN 2016

PEKELILING PENTADBIRAN BIL. 23/2016

BANTUAN KHAS KEWANGAN TAHUN 2016

1.0 TUJUAN

Pekeliling Pentadbiran ini bertujuan untuk memaklumkan kepada pengetahuan semua staf Universiti Teknikal Malaysia Melaka (UTeM) mengenai pembayaran Bantuan Khas Kewangan (BKK) Tahun 2016 di Universiti Teknikal Malaysia Melaka.

2.0 LATAR BELAKANG

2.1 Kerajaan telah memutuskan supaya (BKK) sebanyak RM500.00 dibayar kepada pegawai Perkhidmatan Awam Persekutuan di atas keprihatinan Kerajaan serta menghargai khidmat bakti penjawat awam.

2.2 Kerajaan juga bersetuju memanjangkan pemberian BKK sebanyak RM250.00 kepada pesara Kerajaan yang menerima pencen.

3.0 PELAKSANAAN

3.1 BKK diberi kepada semua Staf Universiti yang masih berkhidmat pada 8 Jun 2016, tertakluk kepada syarat telah berkhidmat sekurang- kurangnya 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 8 Jun 2016.

3.2 Bagi pegawai lantikan *contract of service*, tempoh 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 8 Jun 2016 adalah bermaksud boleh meliputi lebih dari satu kontrak yang bersambungan tanpa terputus.

4.0 STAF YANG LAYAK

4.1 Tertakluk kepada perenggan 3.1 di atas, Staf Universiti yang layak dibayar BKK adalah seperti berikut:

- 4.1.1 pegawai lantikan tetap, sementara, *contract of service*;
- 4.1.2 pegawai yang bercuti separuh gaji; dan
- 4.1.3 pegawai yang bercuti tanpa gaji/dipinjamkan ke agensi yang diasingkan pengurusan saraannya atau badan antarabangsa atau syarikat swasta tetapi tidak sepanjang tempoh 1 Januari 2016 hingga 8 Jun 2016.

5.0 STAF YANG TIDAK LAYAK

5.1 Staf yang tidak layak dibayar BKK adalah seperti berikut:

- 5.1.1 staf yang berkhidmat kurang daripada 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 8 Jun 2016;
- 5.1.2 staf yang bercuti tanpa gaji sepanjang tempoh 1 Januari 2016 hingga 8 Jun 2016;
- 5.1.3 staf yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tempoh 1 Januari 2016 hingga 8 Jun 2016;
- 5.1.4 staf yang dikenakan hukuman tatatertib selain daripada hukuman amaran dalam tempoh 1 Januari 2016 hingga 8 Jun 2016; dan
- 5.15 staf yang ditamatkan perkhidmatan demi kepentingan awam dalam tempoh 1 Januari 2016 hingga 8 Jun 2016.

6.0 STAF YANG DITANGGUH PEMBERIAN BKK

6.1. Staf yang ditahan kerja, digantung kerja atau surat pertuduhan telah dikeluarkan pada atau sebelum 8 Jun 2016 oleh Pihak Berkuasa Tatatertib, ditangguhkan pemberian BKK. Pegawai hanya layak dibayar BKK sekiranya Pihak Berkuasa Tatatertib mendapati pegawai tersebut tidak bersalah atau pegawai hanya dikenakan hukuman amaran.

7.0 PESARA

7.1 BKK kepada staf yang telah bersara pada atau sebelum 8 Jun 2016 dan menerima pensen akan dibayar oleh Jabatan Perkhidmatan Awam sebanyak RM250.00.

7.2 Pembayaran kepada mana-mana penerima pensen terbitan yang layak di bawah undang-undang pensen akan dibuat oleh Jabatan Perkhidmatan Awam.

7.3 Pesara yang dilantik semula dalam Perkhidmatan Awam layak dibayar BKK pada kadar RM500.00 tertakluk kepada pegawai telah berkhidmat sekurang-kurangnya 30 hari berturut-turut termasuk semua jenis cuti bergaji penuh dan cuti separuh gaji serta Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2016 hingga 8 Jun 2016. Pembayaran sebanyak RM250.00 akan dibuat oleh Jabatan Perkhidmatan Awam dan bakinya sebanyak RM250.00 akan dibayar oleh Jabatan di mana pegawai berkhidmat pada bulan pembayaran.

8.0 TANGGUNGJAWAB PEMBAYARAN

8.1 Pembayaran BKK ini adalah menjadi tanggungan Jabatan di mana pegawai berkhidmat pada bulan pembayaran.

8.2 Pembayaran kepada staf yang layak akan dibuat melalui Permohonan Pembayaran bermaksud pembayaran terus dikreditkan ke dalam bank akaun staf.

9.0 TARIKH PEMBAYARAN

9.1 BKK sebanyak RM500.00 kepada staf dan RM250.00 kepada pesara akan dibayar pada 13 Jun 2016.

10.0 TARIKH KUAT KUASA

10.1 Pekeliling Pentadbiran ini berkuat kuasa mulai tarikh 9 Jun 2016.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/wns

